



Broj: 12-11-15-117/24
Sarajevo, 10. 1. 2024. godine

Na osnovu člana 70. i člana 89. stav (3) Zakona o javnim nabavkama („Službeni glasnik BiH“, broj: 39/14 i 59/22) i preporuke iz Zapisnika o pregledu i ocjeni ponuda u postupku, konkurentski zahtjev za dostavu ponuda za izbor najpovoljnijeg ponuđača za nabavku kancelarijskog materijala za potrebe Ureda za reviziju institucija u Federaciji BiH za budžetsku 2024. godinu broj: 12-11-15-3447-7/23 od 9. 1. 2024. godine (obavještenje o nabavci broj: 296-7-1-23-3-34/23 objavljeno je na Portalu javnih nabavki 11. 12. 2023. godine), generalni revizor donosi

ODLUKU

o izboru najpovoljnijeg ponuđača i dodjeli ugovora u postupku javne nabavke kancelarijskog materijala

I

U postupku javne nabavke kancelarijskog materijala putem konkurentskog zahtjeva za dostavu ponuda, Ugovorni organ donio je odluku o izboru najpovoljnijeg ponuđača i dodjeli ugovora ponuđaču „R&S“ d.o.o. Sarajevo za:

- LOT 1 - Obrasci i papiri, sa ukupnom cijenom ponude 8.361,31 KM bez PDV-a odnosno 9.782,73 KM sa uključenim PDV-om,
- LOT 2 - Administrativni materijal, sa ukupnom cijenom ponude 10.373,42 KM bez PDV-a odnosno 12.136,90 KM sa uključenim PDV-om,
- LOT 3 – Higijenski materijal, sa ukupnom cijenom ponude 4.810,46 KM bez PDV-a, odnosno 5.628,24 KM sa uključenim PDV-om.

II

Ova Odluka će se dostaviti svim ponuđačima – učesnicima u postupku u roku od 3 (tri) dana, a najkasnije u roku od 7 (sedam) dana od dana donošenja ove odluke, elektronskom poštom, preporučenom poštom ili neposredno.

III

Ova Odluka stupa na snagu danom potpisivanja.

O b r a z l o ž e n j e

Ured za reviziju institucija u Federaciji Bosne i Hercegovine (u daljem tekstu: Ugovorni organ) je u skladu sa odredbama Zakona o javnim nabavkama („Službeni glasnik BiH“, broj: 39/14 i 59/22) i Odlukom broj: 12-11-15-3447/23 od 5. 12. 2023. godine, pokrenuo postupak javne nabavke kancelarijskog materijala za budžetsku 2024. godinu, podijeljen na tri lota:

- LOT 1 - Obrasci i papiri,
- LOT 2 - Administrativni materijal i
- LOT 3 – Higijenski materijal.

Obavještenje o javnoj nabavci, broj: 296-7-1-23-3-34/23 objavljeno na Portalu javnih nabavki 11. 12. 2023. godine.

Postupak je provela Komisija imenovana Rješenjem generalnog revizora broj: 12-11-15-3447-1/23 od 5. 12. 2023. godine, koja je o istom sačinila: Zapisnik o otvaranju ponuda od 8. 1. 2024. godine, Zapisnik o zaprimanju ponuda od 8. 1. 2024. godine, Analitički prikaz traženih i dostavljenih dokumenata – Kvalifikacija ponuđača broj: 12-11-15-3447-6/23 od 9. 1. 2024. godine i Zapisnik o pregledu i ocjeni ponuda broj: 12-11-15-3447-7/23 od 9. 1. 2024. godine.

U postupku pregleda i ocjene ponuda utvrđeno je sljedeće:

- na protokol Ugovornog organa pravovremeno je pristigla po jedna ponuda za svaki LOT od istog ponuđača i to: „R&S“ d.o.o. Sarajevo.

- iz analitičkog prikaza traženih i dostavljenih dokumenata konstatuje se da je ponuđač „R&S“ d.o.o. Sarajevo dostavio dokumentaciju traženu tenderskom dokumentacijom, kojom su dokazali da ispunjavaju minimalne kvalifikacione uslove koji su traženi konkurentskim zahtjevom za LOT 1 – Obrasci i papiri, LOT 2 – Administrativni materijal i LOT 3 – Higijenski materijal.

- obzirom da je dostavljena samo jedna ponuda, e-aukcija nije održana.

- komisija je odgovornoj osobi Ugovornog organa predložila da za kancelarijski materijal za potrebe Ureda za reviziju za 2024. godinu donese odluku o izboru najpovoljnijeg ponuđača „R&S“ d.o.o. Sarajevo, i to za:

- LOT 1 - Obrasci i papiri, sa ukupnom cijenom ponude 8.361,31 KM bez PDV-a,
- LOT 2 - Administrativni materijal, sa ukupnom cijenom ponude 10.373,42 KM bez PDV-a i
- LOT 3 – Higijenski materijal sa ukupnom cijenom ponude 4.810,46 KM bez PDV-a.

Na prijedlog Komisije Ugovorni organ je donio odluku kao u dispozitivu.

Pouka o pravnom lijeku

U skladu sa članom 99. i članom 101. Zakona o javnim nabavkama protiv ove odluke može se uložiti žalba u roku od 5 (pet) dana od dana zaprimanja odluke.

Žalba se ulaže Ugovornom organu u pisanom obliku neposredno na protokolu ili preporučenom poštanskom pošiljkom.

Žalba se podnosi u dovoljnom broju primjeraka, a koji ne može biti manji od 3 (tri).

Dostavljeno:

- „R&S“ d.o.o. Sarajevo
- U spis predmeta nabavke
- a/a.



GENERALNI REVIZOR
Dževad Nekić